



卷之四  
唐四傑集敘

唐

名三記 臣等

唐四傑集敘

東

唐四傑集敘

# 唐四傑集敘



西橋山人建安程寬撰



余嘗稽之三代以上德行文章合於一故其文也  
獨盛三代以下德行文章離於二故其文也且衰  
蓋根本之學無傳是以藻繪之風彌盛陵夷至於  
六朝蓋已極矣唐初以來兢習波瀾以為奇拙對  
黃白以為巧而王楊為之伯盧駱並鳴焉夫四子  
之才固奇且傑四子之文允詣徐庾三昧要其德  
行器識何如也裴聞喜所以抱知人之鑑而逆占

其所就不遐云歐宋二公作藝文傳稱唐文三變而王楊當一變之初吁四傑之文仍六朝之舊而已矣又烏在其能變哉使勃也少穎而能潛心伊祖白牛溪之學炯也應制之後臥立園二十年能養其貞而自克其剛操盧駱阨窮幽慢之地能求其遠者大者而靈臺裕如也則文振八代之衰不待一韓退之而爲之矣其所流傳奚啻若茲而已耶余每讀其集未嘗不愛其有過人之資而憾其尚歉於江河之萬古流也已嗚呼余固不哲于稽

古唐之四傑余必以賓王爲巨擘乎嘗讀其辭裴吏部之書曰義士期乎貞夫忠臣出乎孝子旣不能推心以奉母又焉能死節以事人乎余未嘗不撫卷流涕而感其孝思之殷也及觀其爲徐敬業討武氏一檄則庶幾能奮其忠毅而吐天下元元之憤垂今凜有生氣卒超然於武氏之羅網而逝遯焉桂子落而天香飄之作殆豐劔紫氣之凌天謂之曰奇傑非耶炯之言曰耻居王後愧在盧前張燕公以爲愧者謙也世之君子讀四傑集者其

尚毋嗜粲粲之春華而忘離離之秋實則得之矣  
是集也建安楊太僕嘗刻之于家建陽張明欲重  
刊書坊以廣其傳踵門告余曰西橋子其馳驟漢  
唐文域敢丐一言以弁其首余重其請遂敘之如  
左云

嘉靖戊申冬十一月哉生明

盧昭鄰詩集

石印

字昇之范陽人調鄧王府典籤王愛重之謂人曰此  
吾之相如也后居太白山得方士玄明膏餌之具茨  
山下預爲墓偃其中武后時尚法照鄰已廢著五悲  
文以自明久與親屬訣沉頴水死有集二十卷又出  
憂子三卷

賦

秋霖賦

覽萬物兮竊獨悲此秋霖風橫天而瑟瑟雲覆海而沉  
沉居人對之憂不辭行客見之思已深若乃千井埋煙  
百屋溼潦青苔被壁綠萍生道松時巷無人跡林無鳥

聲野陰霾而因晦山幽暖而不明長途未半茫上漫  
莫不埋輪據鞍銜悽茹歎借如尼父去魯圍陳畏匡將  
飢不爨欲濟无梁問長沮與桀溺逢浚陰與楚狂長蘅  
風而沐雨永悽悽以遑遑及夫屈平既放登高一望湛  
湛江水悠悠千里泣故國之長秋見玄雲之四起嗟乎  
子卿北海伏波南川金河別鴈銅柱辭鳶關山天骨霜  
木凋年眺穹陰兮斷地看積水兮連天別有東國儒生  
西都才客屋漏鉛槧家虛甌石茅棟淋淋蓬門寂寂蕪  
碧草於園徑聚綠塵於庖甕王為粒兮桂為薪堂有琴  
兮室有人抗高情以出俗馳精義以入神論有能鳴之  
鴈書成已泣之麟觀皇天之洋溢孰不隅坐而含頰已

矣哉若夫繡轂銀鞍金杯玉盤坐卧珠璧左右羅紈流  
酒為海積肉為巒視襄陵而昏墊曾不輟乎此歡豈知  
乎堯禹之臞膂而孔墨之艱難

馴鳶賦

孕天然之靈質稟天塊之奇工觜距足以自衛毛羽足  
以凌風懷九圍之遠志託万里之長空陰雲低而含紫  
陽景升而帶紅經過巫峽之下惆悵彭門之東既而推  
枯短翮寥落長想息蒙莊之見欺哀武溪之莫往進謝  
扶搖之力退慙滯昌文選注之響腐食多懼層巢無豕  
在馬聲也猛性以自馴抱愁容而就養於是傍眺德門言栖仁  
路不踐高梁之屋翔止吾人之樹聽群雞於月曉侶群

鵲於星。暮狎蘭砌之高。低翫荆扉之新。故循廣庭之一  
息。歷長簷而逕度。若乃風去雨遠。河移月落。徘徊亂於  
雙燕。鳴舜均乎。獨鶴乍嘯。聚於霞莊。時追飛於雲閣。荷  
大德文純粹。將輕姿之陋薄。思一報之無階。欣百齡之  
有託。

穹魚賦 并序

余曾有橫事被拘。為群小所使。將致之深議。友人救  
護得免。竊感趙壹穹鳥之事。遂作穹魚賦。常思報德  
故冠之篇。首云

有一巨鱗。東海波巨。洗靜月浦。涵丹錦津。映紅蓮而得  
性。戲碧浪以全身。宕而失水。居于陽瀕。漁者觀焉。乃具

竿索集明黨。鳧翅雀。唯風馳電往。競下任公之檣。一作  
爭陳豫且之網。螻蟻見而甘心。獮獺聞而抵掌。於是長  
舌利角。曳綸爭鉤。拖箸坐巖。扼背扼喉。動搖不可騰踊。  
無由有懷。繼潤寧望洪流。大鵬過而而哀之曰。昔予為  
鯤也。與爾遊乎。自予羽化之后。爾其遺孤。俄撫翼下。負  
之而趨。南浮七澤。東汎五湖。是魚也。相忘於江海。而漁  
者猶悵望於泥塗。

病梨樹賦 并序

癸酉之歲。余卧病於長安光德坊之官舍。父老云。是  
鄱陽公主之邑。司昔公主未嫁而卒。故其邑廢。時有  
處士孫君思貌。居之。君道洽今古。學有數術。高談正

一則古之蒙莊子深入不二則今之維摩詰及其推  
步甲子度量乾坤飛鍊石之奇洗胃腸之妙則其甘  
公洛下閔安期先生扁鵲之雋也自云開皇辛酉歲  
生今年九十二矣詢之鄉里咸云數百歲人矣其語  
周齊間事歷七眼見以此參之不啻百歲人也然猶  
視聽不衰神形甚茂可謂聰明博達不死者矣余年  
垂強仕則有幽憂之疾椿菌之性何其遼哉于時天  
子避暑甘泉邈亦徵請行在余獨病卧茲邑闕寂無  
人伏枕十旬閉門三月庭無衆木唯有病梨樹一株  
圍纒數握高僅盈丈花實憔悴似不任乎歲寒枝葉  
零丁纒石一對暮嗟乎同託根於膏壤俱與氣於

太和而脩短不均榮枯殊貫豈賦命之理得之自然  
將資生之化有所偏及樹猶如此人何以堪有感於  
懷賦之云耳

天豕平運方祗質植挺芳桂於月輪橫扶桑於日域建  
木聳靈丘之上蟠桃生巨海之側細葉枝連洪柯條直  
齊天地之一指任鳥兔之栖息或垂陰万畝或結子千  
年何偏施之雨露何獨厚之風煙愍茲珍木離上幽獨  
飛茂實於河陽傳芳名於金谷紫澗稱其殊旨玄光表  
其仙族爾生何為零丁若斯無輪楠之可用無棟梁之  
可施進無違於斤斧退無競於班倕無庭槐之生意有  
巖桐之死枝爾其高纒數仞圍僅盈尺脩幹罕雙枯條

每隻葉病多紫。花凋少白。鳥怨其巢危。秋蟬悲其翳。窄怯衡飈之搖落。昇炎景之臨迫。既而地歇蒸霧。天收耀靈。西秦明月。東井流星。憔悴孤影。徘徊直形。狀金莖之的。疑石柱之亭。若夫西海夸父之林。南海蚩尤之樹。莫不摩霄拂日。滅雲吐霧。別有橋邊朽柱。天上靈槎。年上歲。無葉無花。榮辱兩齊。吉凶同軌。寧守唯以外表不修。裸而內否。亦猶縱酒高資。佯狂君子。為其脗合。置其憂喜。生非我生。物謂之生。死非我死。谷神不死。混彭殤於一觀。度筌蹄於茲理。

雙槿樹賦同雀山監作 并序

蓬萊山上即對神仙芸香閣前仍觀祕寶金懸素市

楊子見而無言。紙貴洛城。陸生聞而罷笑。故知子條朽幹。吹噓變其死生。落葉凋花。翦拂成其光價。方且傳石渠之故事。得槿樹之新名。足以脂粉仙臺。丹青祕府者也。君布衣藜杖。嚴栢藿而非史。處漢代而無田。學涉蕪淺。文多贅瀟。宜其屏竄。用其靜默。蓋窮而思達。人之情也。卑而應高。物之理也。故疾雷作而蟄垂飛。浮雲興而石鳥潤。不可廢也。雖云聖朝多士。而公實居之。草澤有人。亦國家之美事也。故復獎利芻鄙。作雙槿樹賦。詞義猥薄。退增慙醜。謹啓賦曰。

方丈蓬萊。貌矣悠哉。芸局石室。圖天揆日。若乃羲和掌日。太史觀星。銅渾玉策。寶竒金銘。地則圖書之府。人則



神仙之靈中有芳華鬱鬱亭亭徒觀其兩砌分祖雙階  
並耀葉鏤五衢榮分四照廣庭之霍靡隱重廊之窈  
窕青陸至而鶯啼朱陽升而花笑紫蒂紅蕤玉蓋蒼枝  
露華的皪風色徘徊慘慘衰颺婀娜隈綏迫而視之焉  
環動珮歌扇開遠而望之連珠合璧星漢迴狀仙人之  
羽蓋疑佚女之瑤臺寂寞攸利栖聞此地委命卷舒隨  
時榮悴外無嬰天之禍內有逍遙之致朝朝暮暮落復  
開歲歲年年紅以翠若夫游蜂戲蝶封其萼輕煙弱霧  
綵其條去不謂之損來不謂之饒故能出君子之殊俗  
入詩人之舊詠齊顯昧於兩耀及生死於一朝同喪我  
之非我固雖凋而不凋則有亭伯儒門令思詩友翰苑

擴其吞夢文鋒高而照斗詠蕪滋之朝夕悲積薪之老  
後縹繡起於綻紡煙霞生於灌莽豈與幽巖弱條淵底  
枯松徒冒霜而亭雪空集鳳而吟龍詎得奉仙閣之廣  
價連筆匠之為容已矣哉東方生聞而歎曰故年花落  
不留人今年花落非故春倏兮夕隕忽兮朝新侏儒何  
功兮短飽曼倩何負兮長貧聊寄詞於庭樹倘有感於  
平津

五言古詩

羈卧山中

卧壑迷時代行歌任死生紅顏意氣盡白壁故交輕澗  
戶無人跡山川聽鳥聲春色綠巖上寒光入溜平雪盡

松帷暗雲開石路明夜伴饑饉宿朝隨馴雉行度溪猶  
憶處尋洞不知名紫書常日閱丹藥幾年成扣鐘鳴天  
鼓燒香厭地精倘過浮丘鶴飄飄凌太清

關山月

塞垣通碣石虜陣祇祈連相思在萬里明月不長懸影  
移金油北光斷玉門前寄言閨中婦愁看鴻雁天

上之四

回中道路險蕭關烽燧多五營屯右地万乘出西河單  
于拜玉玺天子按琫戈振旅汾川曲秋風橫大歌

紫駟馬

躡馬照金鞍轉戰入臯蘭寒月入稍急長城水正寒雪

暗鳴珂重山長噴玉誰不辭橫絕漢流血幾時乾

劉生

劉生氣不平抱劍欲專征報恩為豪俠死誰在橫行翠  
羽裝劍鞘黃金鏤馬纓但令一顧重不悵百身輕

結客少年場行

長安重遊俠雒陽富才雄玉劍浮雲騎金鞭明月弓闔  
雞過渭北走馬向關東孫賓遙見侍郭解暗相通不受  
千金爵誰論万里功將軍下天上虜騎入雲中烽火夜  
似月兵氣曉成虹橫行徇知己負羽遠從戎旂旌昏朔  
霧鳥陣捲胡風追奔瀚海咽戰罷陰山空歸來謝天子  
何如馬上翁

贈李榮道士

有序  
不錄

錦節御天使瓊仙駕羽君投金翠山曲莫壁清江濱圓  
洞開丹鼎方壇聚絳雲資既幽難識空歌迥易分風搖  
十洲影日亂九江文敷誠歸上帝應詔在明君獨有南  
冠客耿上江離群遙看八會所真氣曉氛氲

早度分水嶺

年上遊蜀道万里向長安徒費周王粟空彈漢吏冠馬  
蹄穿欲尽貂裘故轉空層冰橫九折積石凌七盤重溪  
既下漱峻峯亦上千隴頭聞戍鼓領外咽飛湍瑟上松  
風惡蒼上山月團傳語后來者斯路誠独難

三月曲水宴

風煙彭澤里山水仲長園由來棄銅墨本自重琴樽高  
情邈不嗣雅道今復存有美光時彥養乃坐山樊門開  
芳社迳室距桃花源公子黃金勒仙人紫氣軒長懷去  
城市高詠狎蘭蓀連沙飛白鷺孤嶼嘯玄猿日影蔽前  
落雲花江上翻與闌車馬散林塘夕鳥喧

奉使益州至長安發鍾陽驛

躋險方未夷乘春聊騁望落花赴卅谷奔流下青嶂歲  
蕤曉樹滋澁漾春江漲平川看釣侶狹徑聞樵唱蝶戲  
綠苔前鶯歌白雲上耳目多異賞風煙有奇狀峻阻將  
長城高標吞巨舫聯翩事羈勒辛苦勞疲恙夕濟戎濔  
爰晨登每惆悵誰念復芻狗山河獨偏喪

和王爽秋夜有所思

秋寂南軒夜悠然懷所知長河落鴈苑明月下鯨池鳳  
臺有青曲此曲何人吹丹唇間玉齒妙響入雲涯窮巷  
秋風葉空庭寒露枝勞歌欲有和星鬢已將垂

詠史

季生昔未達身辱功不成髡鉗為臺吏灌園變姓名幸  
逢滕將軍兼遇曹丘生漢祖廣招納一朝拜公卿百金  
孰云重一諾良匪輕廷議軒樊噲群公寂無聲處身授  
且上遭時坦而平丈夫當如此唯何足榮

二

大漢昔云季小人道遂振玉皇委奄尹斧鎮嬰緡紳貌

哉郭先生卷舒得其真雍容謝朝廷談笑獎人倫在晦  
不絕俗處亂不為親諸侯不得久天子不得臣冲情甄  
負甌重價折角巾悠悠天下士相送俗橋津誰知仙舟  
上寂寂四無鄰

三

公業負奇志交結盡才雄良田四百頃所食常不充一  
為侍御史慷慨說何公何公何為敗吾謀適不同仲穎  
恣殘虐忍廢誠良死人如亂麻天子如轉蓬干戈及  
黃屋荆棘生紫宮鄭生運其謀將以清國成時來命不  
遂脫身歸山東凜凜千載下穆然懷清風

四

昔有平陵男姓朱名阿游直法上衝冠狀氣橫三秋頭  
得斬馬劍先斷佞臣頭天子玉檻折將軍丹血流捐生  
不肯拜視死其若休歸來教鄉里童蒙遠相求弟子數  
百人散在十二州三公不敢吏五衆何能誦名興日月  
懸義與天壤儔何必疲執戟區區在封侯偉哉曠達士  
知命固不憂

望宅中樹有所思

我家有庭樹秋葉正離離上舞雙栖鳥中秀合歡枝勞  
思復勞望相見不相知何當共攀折歌笑比堂垂

宿晉安亭

聞有絃歌地穿鑿本多竒游人試一覺臨翫果忘疲恣

橫暮落葉簷卧古生枝舊石開紅 新荷復綠池孤猿  
稍斷絕 鳥復參差沈灩月華曉徘徊星鬢垂今日  
書客悽惶君詎知

赤谷安禪師塔

獨坐巖之曲悠然無俗紛酌酒呈丹桂思詩贈白雲煙  
霞朝晚聚猿鳥歲時聞水華競秋色山翠含夕曛高談  
十二部細覈五千文如如數冥昧生生理氣盪古人有  
糟粕輪扁情未分且當事芝朮從吾所好云

贈益府裴錄事

忽忽歲云暮相望限風煙長歌欲對酒危坐遂停絃停  
絃變霜露對酒懷朋故朝看桂蟾晚夜聞鴻鴈度鴻度

何時還桂晚不同攀浮雲映丹壑明月滿青山青山雲  
路深丹壑月華臨耿耿離憂積空令星鬢負侵

贈益府群官

一鳥自北燕飛來向西蜀單栖劔門上獨舞岷山足昂  
藏多古貌哀怨有新曲群鳳從之游問之何所欲答言  
寒鄉子飄飄萬餘里不息惡木枝不飲盜泉水常思稻  
梁遇願栖梧桐樹智者不我邀愚夫余不顧所以成獨  
坐耿耿歲云暮日夕苦風霜思歸赴洛陽羽翮毛衣短  
關山道路長明月流客思白雲迷故鄉誰能借風便一  
舉凌蒼蒼

送梓州高參軍還京

京洛風塵遠袞斜煙霧深北遊君似智南飛我異禽別  
路琴聲斷秋山猿鳥吟一乖青巖酌空佇白雲心

大劔送別劉右史

金碧禺山遠關梁蜀道難相逢屬晚歲相送動征鞍地  
咽綿川冷雲凝劔閣寒倘遇忠孝所爲道憶長安

同臨津紀明府孤鴈

三秋回北鴈萬里向南翔河洲花稍白關塞葉初黃避  
繳風霜勁懷書道路長水流疑箭動月照似弓傷橫天  
無有陣度海不成行會看制鳴羽還赴上林鄉

戰城南

將軍出紫塞冒頓在烏會笳喧鴈門北陣翼龍城南瑯

弓夜宛轉鐵騎曉參潭應須駐白日爲待戰方酣

十五日夜觀燈

錦里開芳宴蘭缸艷早年綉彩遙分地繁光遠綴天接  
漢疑星落依樓似月懸別有千金笑來映九枝前

七言古詩

長安古意

長安大道連狹斜青牛白馬七香車玉輦縱橫過主第  
金鞍絡繹向侯家龍銜寶蓋承朝日鳳吐流蘇帶晚霞  
百文游絲爭繞樹一群嬌鳥共啼花游蜂戲蝶千門側  
碧樹銀臺萬種色覆道交凶作合歡雙闕連垂鳳翼  
梁家畫閣天中起漢帝金莖雲外直樓前相望不相知

陌上相逢詎相識借問吹簫回紫煙曾經學舞度芳年  
得成比目何辭死願作鴛鴦不羨仙比目鴛鴦真可羨  
雙去雙來君不見生憎帳額繡孤鸞好取閒簾帖雙燕  
雙燕雙飛遶畫梁羅幃翠被鬱金香片片行雲着蟬鬢  
纖纖初月上鴉黃鴉黃粉白車中含嬌含態情非一  
妖童寶馬織金錢娼婦盤龍金屈膝御史府中烏夜啼  
廷尉門前雀欲栖隱隱朱城臨玉道遙遙翠幃沒金堤  
狹彈飛鷹杜陵北探丸佳客渭橋西俱邀俠客芙蓉劔  
共宿娼家桃李溪娼家日暮紫羅裙清歌一曲口氛氳  
北堂夜夜人如月南陌朝朝騎似雲南陌北堂連北里  
五劇三條控三市弱柳青槐拂地垂佳氣紅塵暗天起

漢代金吾千騎來，翡翠屠蘇鸚鵡杯。羅襦寶帶爲君解，  
曲歌趙舞爲君開。別有豪華稱將相，轉心四元不相讓。  
意氣由來排灌夫，專權判不容蕭相。專權意氣本豪雄，  
青虬紫燕坐春風。自言歌舞長千載，自謂驕奢凌五公。  
節物風光不相待，桑田碧海須臾改。昔日金階白玉堂，  
今時惟見青松在。寂寂寥寥揚子居，年年歲歲一牀書。  
獨有南山桂花發，飛來飛去襲人裾。

懷仙引

若有人兮山之曲，駕青虬兮乘白鹿。徃從之遊，願心足  
破洞戶，訪巖軒。口頰潺湲，橫石徑松蘿。蓋塵掩松門下，  
空濛而無鳥。上巉巖而有猿，懷飛閣度飛梁。休余馬於

幽谷，挂余冠於夕陽。曲復曲兮煙莊，遂行復行兮天路。  
長脩途杳其未半，飛雨忽以茫茫。山塊軋磴連蹇，攀石  
壁而無據。沂泥溪而不前，何無情之白日。竊有限於皇  
天，迴行遵故道。通川遍流潦，迴首望群峯。白雪正溶溶，  
珠為闕兮玉爲樓。青雲蓋兮紫霖裘，天長地久時相憶。  
千齡萬載一來遊。

行路難

君不見長安城北渭橋邊，枯木橫槎卧古田。昔日含紅  
亦含紫，常時留霧亦留煙。春景春風花似錦，香車玉舉  
恒駢闐。若箇遊人不競攀，若箇娼家不來折。娼家寶抹  
蛟龍帳，公子銀鞍千萬騎。黃鸞一一向花嬌，青鳥雙雙



將子戲千尺長條萬尺枝月桂星榆相蔽虧珊瑚葉上  
鴛鴦鳥鳳凰巢裡雛鷓鴣兒巢空枝折飛鳳去條空葉落  
任風吹一朝顛顛無人問萬古摧殘君詎知人生貴賤  
無終始倏忽須臾難久恃誰家能駐西山日誰家能堰  
東流水漢家陵樹滿秦川行來行去盡哀憐自古公卿  
二千石咸擬榮華一萬年不見朱唇將玉貌唯聞青棘  
與黃泉金貂有時須換酒玉塵恒搖莫計錢寄言坐客  
神仙署一生一死交情處蒼龍闕下君不留白鶴山頭  
我應去雲間海上邈難期赤心會合在何時但願堯年  
一百萬長作巢由也不辭

朋月引

洞庭波起兮鴻鴈翔風瑟瑟兮野蒼蒼浮雲卷霜明月  
流光荆雨兮趙北碣石兮瀟湘澄清規於萬里照離思  
於千行橫桂枝於西第繞菱花於北堂高樓思婦飛蓋  
君王文姬絕域侍子他鄉見胡鞍之似練知漢劍之如  
霜試登高而極目莫不變而迴腸

失群鴈 并序

溫縣明府以詩垂示余以爲古之郎官出宰百里今  
之墨綬入應千官事止鴈行未宜傷歎至如羸臥空  
巖者乃可爲失群動耳聊因伏枕多暇以斯文應之  
三秋北地雪皚皚萬里南翔度海來欲隨石燕沉湘水  
試逐銅鳥繞帝臺 銀闕距金塘中間鷓鴣已成行

先過上苑傳書信暫下中州戲稻梁虞人負繳來相及  
齊客虛弓忽見傷毛翎頻頻飛無力羽翮摧頽君不識  
唯有莊周解愛鳴復道郊重竒色惆悵敬思悲未已  
徘徊自憐中罔溲傳聞有鳥集朝陽詎勝仙鳥邇帝鄉  
雲間海上應鳴舞遠得鷓鴣絃猶獨撫金龜全寫中年印  
玉鵠當變萊蕪釜願君弄影鳳凰池時憶籠中摧折羽

五言律詩

隴頭水

隴阪高無極征人一望鄉  
開河別去水沙塞斷歸腸  
馬繫千年樹旌懸九日霜  
後來共鳴咽皆是經勤王

巫山高

巫山望不極望望下朝氛  
莫辨啼猿樹徒看神女雲  
驚濤亂水脉驟雨暗峯立  
露裳即此地况復遠思君

芳樹

芳樹本多竒年華復在斯  
結翠成新幄開紅浦故枝風  
歸聲歷亂日度影參差  
容色朝朝落思君君不知

入秦川界

隴阪長無極蒼生望不窮  
石徑縈疑斷回流映似空  
花開綠野霧鶯囀紫巖巖  
風春芳勿遽盡留賞故人同

文翁講堂

錦里淹中館岷山稷下亭  
空梁無燕雀古壁有丹青  
槐落猶疑市苔深不辯銘  
良哉二千石江漢表遺靈

石鏡寺

古墓芙蓉塔神銘松栢煙蘿爲沉仙鏡底花沒梵輪前銖  
衣千古佛寶月兩重圓隱隱香臺夜鐘聲徹九天

雨雪曲

虜騎三秋入關雲萬里平雪似胡沙暗冰如漢月明高  
闕銀爲闕長城玉作城節旄零落盡天子不知名

昭君怨

合殿恩中絕交河使漸稀肝腸隨玉輦形影向金微漢  
宮草應綠胡庭沙正飛願逐三秋鴈年年一度歸

折楊柳

倡樓啓曙扉楊柳正依依鶯啼知歲隔條變識春歸露

葉凝愁黛風花落舞衣攀折將安寄軍中音信稀

梅花落

梅嶺花初發天上雲未開雪處疑花滿花邊似雪迴因  
風入神舞雜粉向粧臺匈奴幾萬里春至不知來

辛司法宅觀妓

南國佳人至北堂羅薦開長裙隨鳳管促柱送鸞杯雲  
光身後落雪態掌中回到愁金谷晚不慮玉山頽

春晚山莊率題二首

顧步三春晚田園四望通游絲橫惹樹戲蝶亂依叢竹  
懶備宜水花狂不待風唯餘詩酒意當了一生中  
田家無四鄰獨坐一團春鶯啼飛選樹魚戲不驚鷗論山

水彈琴畫風花酌酒頻年華已可樂高興復留人

江中望月

江水向汾陽澄澄寫月光鏡圓珠溜徹弦滿箭波長沉  
鉤搖瓦影浮桂動丹芳延照相思夕千里共霓裳

明月引

筮仕無中秩歸耕有外臣人歌小歲酒花舞大唐春草  
色迷三徑風光動四鄰願得長如此年年物候新

益州城西張超亭觀妓

落日明歌席行雲逐舞人江前飛暮雨梁上下輕塵冶  
服看疑畫粧樓望似春高車勿遽返長袖欲相親

還京贈別

風月清江夜山水白雲朝萬里同爲客三秋氣不凋戲  
鳥分斷歸騎別高標一去仙橋道環望錦城遙

至陳倉曉晴望京邑

拂曙驅飛傳初晴帶曉涼霧歛長安樹雲歸仙帝鄉澗  
流漂素沫巖景藹先光今朝好風色延瞰極天莊

晚渡浮沱敬贈魏大

津谷朝行遠冰川夕望曛霞明深淺浪風卷去來雲澄  
波泛月影激浪聚沙文誰忍仙舟上攜手獨思君

相如琴臺

開有涯容地千年無四鄰園院風煙古池臺松檟春雲  
疑作賦客月似聽琴人寂寂啼鶯處空傷游子神

酬楊比部員外暮宿琴堂朝齋書閣率爾見贈  
之作

閒拂簷塵看鳴琴候月彈  
挑源迷漢姓松徑有秦宮  
空谷歸人少青山背日寒  
羨君栖隱處遙望在雲端

五言排律

西使兼送孟學士南遊

地道巴陵北天山弱水東  
相看萬餘里共倚一征蓬  
零雨悲王粲清尊別孔融  
徘徊聞夜鶴悵望待秋鴻  
骨肉胡秦外風塵閔塞中  
唯餘劔鋒在耿耿氣成虹

送鄭思倉入蜀

離人丹水北游客錦城東  
別音還無已離憂自不窮  
龍

雲朝結陣江月夜臨空  
閑塞疲征馬霜氣落早鴻  
潘年三十外蜀道五千中  
送君秋冰曲酌酒對秋風

錦州官池贈別

輜軒遵上國仙氣下靈閔  
尊酒坊無地聯綵喜暫攀  
離言欲贈策高辯正連環  
野徑游雲斷荒池春草斑  
殘花落古樹度鳥入澄灣  
欲叙他鄉別幽谷有綿蠻

還赴蜀中貽示京邑遊好

御宿花初滿草臺柳尚飛  
如何正北日還望昔多違  
悵別風期阻將垂雲會稀  
欽衽辭丹闕懸旗陟翠微  
野禽喧戍鼓春草變征衣  
回顧長安道関山起夕霏

和夏日幽莊

聞有高蹤客耿介坐幽莊林壑人事少風煙鳥路長瀑  
水含秋氣垂藤引夏涼苗深金覆隴荷上半侵塘釣渚  
青鳧沒村田白鷺翔知君振竒藻還嗣海隅芳

山莊休沐

蘭曙乘閒日蓬扉狎道栖龍柯疎玉井鳳葉下金堤川  
光搖水箭山氣上雲梯亭幽聞唳鶴窗曉聽鳴雞玉軫  
臨風奏瓊漿映月移田家自有樂誰肯謝青溪

山林休日田家

歸休乘暇日饑稼返秋場徑草疏王篲崑枝落帝桑耕  
田虞訟寢鑿井漢機忘戎葵朝委露齊棗夜含霜南澗  
泉初冽東籬菊正芳還思北窓下高卧偃羲皇

宴梓州南亭得池字

二條開勝迹大隱叶冲規亭閣分危岫樓臺繞曲池長  
薄秋煙起飛梁古蔓垂水鳥翻荷葉山蟲交桂枝遊人  
惜將晚公子愛忘疲願得四三合琴尊日若斯

酬長沙府東

昔余与夫子相遇涖川陰珠浦亦猶卧檀溪馬正沉價  
重瑤山曲詞鶻丹鳳林十年啖賞慰万里隔招尋毫翰  
夙期阻荆衡雲路深鵬飛俱望昔雙屈共悲今誰謂青  
衣道還歎白頭吟地接神仙澗江連雲雨岑飛泉如散  
玉落日似懸金重以瑤華贈懷空舞詠心

过東山谷口

不知名利險辛苦帶皇州始覓風塵倦歸來事綠疇桃  
源迷處所桂樹可淹留跡異人間俗禽同海上鷗占谷  
依井被新乳傍崖流野老堪成鶴山神或化鳩泉鳴碧  
澗底花落紫巖幽日暮冷鼙鼓天寒御鹿裘不办秦將  
漢寧知春与秋多謝清溪客去去赤松遊

送幽州陳參軍赴任寄呈鄉曲父老

薊北三千里關西二十年馮唐猶在淚樂毅不歸燕人  
同黃鶴遠鄉共白雲連郭隗池臺處昭王樽酒前故人  
當已老舊一已成田紅顏如昨日衰鬢似秋天西蜀橋  
應毀東周石尚全霸池水猶綠榆關月早圓塞雲初上  
鴈庭樹欲銷蟬送君之舊國揮涕独潸然

晚渡渭橋寄示京邑游好

我行背城闕驅馬独悠悠寥落百年事徘徊万里憂途  
遙日向夕時晚鬢將秋滔々俯東逝耿々泣西浮長虹  
掩鈞浦落鴈下星州草变黄山曲花飛清渭流迳水驚  
愁聲騰沙起狎鷗一起清泥道空思玄灞遊

贈許左丞後駕万年宮

聞道山之回詔謁下蓬萊中樞移北斗左轄上南臺黃  
山聞鳳笛清嘒侍龍媒曳日朱旗卷參雲金障開朝參  
五城柳夕宴栢梁杯淚時光如月秦祠聽似雷寂々芸  
香樹離思独悠哉

哭金部韋郎中

金霄初受拜玉地始含香翻同五日尹遽見一星亡賀  
客猶扶路衰人遂上堂歌筵長寂七哭位自蒼七歲時  
賓徑斷朝暮雀羅張書留魏主閣魂掩漢家牀徒令永  
平帝千載罷撞郎

哭明堂裴簿

締歡三十載通家數百年潘陽稱伐魏秦晉忝煙連風  
雲洛陽道花月茂陵田相悲共相樂交騎復交筵始謂  
詞金鼎如何掩玉泉黃公酒壚處青眼竹林前故琴無  
復雪新樹淡生煙遽痛蘭襟斷徒令寶劍懸客散同秋  
葉人凶似夜川送君一長慟松臺路幾千

同崔錄事哭鄭員外

文季秋天遠郎官星位尊伊人表時彥飛譽滿可存楚  
席光文雅瑤山謂瑤山玉彩傳討論鳳詞凌漢閣龜辨卑周  
園已陪東嶽駕將遊北海鯤如何万化盡空歎九飛魂  
白馬西京驛青松北海門夜臺無曉箭朝奠有虛尊一  
代儒風沒千年隴霧昏梁山送夫子湖水吊王孫僕本  
多悲泪沾裳不待猿聞君絕絃曲吞恨更無言

五言絕句

登玉清

絕頂橫臨日孤峯半倚天徘徊拜真老万里見風煙

曲池荷

浮香繞曲岸圓影覆華池常恐秋風早飄零君不知



浴浪鳥

獨舞依盤石群飛動輕浪奮迅碧沙前長懷白雲上

臨塔符

封霜連錦砌防露拂瑤塔聊將儀鳳質暫与俗人諧

含風蟬

高情臨爽月急響送秋風獨有危冠意还将衰鬢同

葭州獨泛

倚棹春江上橫舟石岸前山暝行人斷迢迢獨泛仙

送二兄入蜀

關山客子路花柳帝王城此中一分手相顧憐無聲

宿武玄二首

方池開曉色圓月下秋陰已乘千里良還抚一絃琴  
夜搖北風柳院繞南溟禽累宿思方重穹秋淡不深

九隴津集

落日樹陰紫澄上水華碧復有翻飛禽徘徊疑曳舄

遊昌化山精舍

實地乘風出香臺接漢高積資真途近方知人事勞

禱言騷體

五悲詩

悲才難

一悲曰恭聞古之君子兮將遠適乎百蠻何故違父母  
之中國從禽獸於未班將矯詞兮不往將背俗兮不還

寧曲成而薄喪不直敗而厚頽彼聖人兮猶若此況不  
肖與中間古往今來邈矣悠哉嵇生玉折顏子蘭摧人  
分代分俱盡代分人分共哀至如左丘失明冉耕有疾  
兵法作而猶臚史記脩而下室高明者鬼瞰其門正直  
者人怨其筆雖為鏡於前代終抱痛於今日別有浚陽  
計掾邠國臺卿抗希代之奇節負超時之令名坎壈九  
死離披再生伊才智之為患故資否之所嬰若乃賈長  
沙之數竒崔亭伯之不偶思欲削魯史之高行鉗楊墨  
之辨口為書為禮挽季俗於三古之前垂譽垂聲正頽  
網於百王之後天子聞之而欲用群公畏之而莫取徒  
窘蠢於泥沙竟龍鍾於塵坵異乎稽之古人則如彼考

之今代又如此近有魏郡王君曰方華陰楊氏曰亨咸  
能博達竒偉覃思研精徵孔門之禮樂吞鬼谷之縱橫  
嶽秀泉澄如川如陵高談則龍騰豹變下筆則煙飛霧  
凝王則官終於郡吏楊則官止於邑丞何異夫操太阿  
以烹小鮮飛夜光而彈伏翼灼金龜兮訪飛邀王騏兮  
騁力雖勞形而竭思吾固知其不得余之昆兮曰杲之  
余之季兮曰昂之杲也杲杲兮如三足之鳥昂也昂昂  
焉如千里之鉤杲之為人也風流儒雅為一代之和玉  
昂之為人也文章卓犖為四海之隋珠並蘭馨兮桂郁  
俱龍駒兮鳳雛生於戰國則管樂之器長於闕里則游  
夏之徒以方圓異用遭遇殊時故才高而位下咸默默

以遲遲青青子襟兮時向晚黃黃我綬兮鬢如絲昆兮  
何青坐乾封兮老矣季兮何負橫武陵而棄之舉天下  
兮稱屈何暗室之足欺為小人之所笑為通賢之所悲  
童子尚知其不可矧衡鏡與著龜故曰至道之精皆實  
冥冥至道之極昏昏默默焚符破壘而人朴鄙剖斗折  
衡而人不爭揆工俚之指而天下始巧膠離婁之目而  
天下始明然後除其矯黠之患安其性命之精太平之  
代萬物肫肫凡聖脗合賢愚滑昏公卿不接友長吏不  
迎尊當成康勿用何暇談其甲兵典謨既作焉得耀其  
書論雖有晏嬰子產將頓伏於閭巷雖有冉求季路且  
耕牧於田園得尋常之才子又詎可以勝言命鸞鳳兮

逐雀驅龍驥兮捕鼠使掌事者校其功兮孰能與狸隼  
而齊舉金為舟兮璫瑁楫不可以涉丘陵些珠為衣兮  
翡翠裳不可以混樵蒸些何器用之乖刺悼斯人之勤  
麥倚長巖以為枕兮吸流光以高卧見城市以盈虛若  
蛟蠱之相過當其時也巢山滿野不知稷禹之尊周召  
芻豢莫救夷齊之餓若夫管仲不遇齊桓則城陽之贅  
婿太公不遭姬伯亦棘津之漁夫一仁一義柴也來兮  
由也醢一忠一孝微子去兮箕子奴聖人百慮而一致  
君子同歸而殊途推既焚兮脊既溺桀亦放兮文亦拘  
笙簧六籍則秦俗有坑儒之痛黼藻百行則漢家有黨  
錮之誅鄴都傾覆飛禍傳於高鼻洛陽板蕩橫死坐其

無鬚嗒伊嚙嘶口含天憲睚眦蠶分屍僵路隅變化與  
屈伸交逐窮達與存亡並驅因其所有而有之則萬物  
無不有就其所無而無之則萬物無不無有竅而生寧  
唯混沌無用而飽何獨侏儒是以蘧伯玉卷兮常卷甯  
武子愚兮更愚庭有樹兮樹有荆園有鳥兮鳥有鷦鷯  
其鳴矣思諸兄矣荆其額矣思諸季矣巖有芳桂隰有  
棠棣被寵茲兮相樛葉翩翩兮相翳天之生我胡寧不  
惠何始古兮初征悲終凶於未濟

悲窮道

二悲曰泪流公子傷心久之歷萬古以抽恨橫八荒而  
選悲有幽巖之卧客兀中林而坐思鄉枝槁以崎嶇足

蹙蹙以緇釐悄悄兮勿澹眇眇兮惆悵超遙兮獨寒淹  
留兮空谷天片片而雲愁山幽幽而谷哭露垂泣於幽  
草風含悲於拱木徒觀其頂集飛塵瓦埋積雪骸骨半  
死血氣中絕四肢萎隨五管欹缺皮襞積而千皴衣聯  
褰而百結毛落鬢禿無叔子之明眉唇亡齒寒有張儀  
之羞舌仰而視睛警其若夢俯而動身羸而欲折神若  
存而若亡心不生而不滅其所居也不巽其所狎也非  
人古樹為伴朝霞作隣下陰森以多晦傍恍惚兮無垠  
松門草合石路苔新公子方撫其背兮曳其裾曰子非  
有唐之文士歟燕地之高門歟昔也子之少則玉樹金  
枝及其長則龍章鳳姿立身則淹中不足言其禮揮翰

則江左莫敢論其詩每競競於暄室恒詡詡於明時常  
謂五府交辟三臺共推朝紆會稽之綬夕獻長陽之詞  
痛私門之禍速惜公車之詔遲豈期晦明乖序寒燠愆  
度鱗傷羽折筋孿肉蠹離披於丹澗之隅骸骸於藪山  
之路已焉哉已焉哉崑山玉石忽摧頽事去矣事去矣  
古今賢聖悲何已天道如何自古相嗟項羽帳中之飲  
荆卿易水之歌何壯夫之懦節伊兒女之情多惜如蘇  
武生還温序死節王陵之母伏劍杞梁之妻泣血事蓋  
迫於功名情有兼於貞烈若漢羽淮陰田橫海島孤城  
已迫疲兵向老離離碣石之鴻纂纂江潭之草迴首求  
訣吞聲何道及夫獻帝偷生懷王受死哀西都之城闕

憶南荆之朝市鳳凰樓上隴山雲鸚鵡洲前吳江水一  
離一別兮漢家宮掖似神仙獨坐獨愁兮楚國容華競  
桃李別有士安多疾顏奇不起馬援困於壺頭舟耕非  
於牖裏平生書劍宿昔琴尊研精殫於玉冊博思浹於  
銅渾思欲為龜為鏡立德立言成天下之壘壘定古今  
之誼誼一朝溘卧萬事寧論君徒見丘中之饒朽骨豈  
知陌上之有遊魂假使百年片上壽又何足以存存

悲昔

三悲曰奇峯合沓半隱天綠蘿蒙籠水潺湲因嵌巖以  
為室就芬芳以列筵川谷榮邁兮迷徑路山嶂重複無  
人煙當訝呀之洞壑臨決咽之奔泉中有幽憂之長

寂寞以思禪暮色踏踏朝思綿綿形半生而半死氣一  
絕而一連自言少一游宦來從北燕淮南芳桂之嶺峴  
北明珠之川東魯則過仲尼之故宅西蜀則耕武侯之  
薄田舊鄉舊國白雲邊飛雪飛蓬暗遠天暫辭薊北千  
萬里少別昭丘三十年昔時人物都應謝聞道城隍復  
可憐忽憶揚州楊子津遙思蜀道蜀橋人鴛鴦渚兮羅  
綺月茱萸灣兮楊柳春煙波淼上帶平沙門找連延俠  
復斜山頭交讓之木浦口同心之花巖君平之下肆戴  
安道之貧家月犯少微吊吳中之隱士星千織女乘海  
上之仙槎長安綺城十二重金作鳳凰銅作龍蕩上干  
門如錦繡巖巖雙闕似芙蓉題字於扶風之柱繫馬於

驪山之松灞池則金人列岸太華則玉女臨峯平明共  
戲東陵陌薄暮遙聞北闕鐘洛陽大道何紛上榮光休  
氣曉氛氲交衢近接東西曙復道遙通南北軍漢帝能  
拜嵩丘石陳王巧賦洛川雲河水河橋木蘭棧金闈金  
谷石搗裙曾入西城看歌舞也出東郊送使君一朝焦  
悴無氣力曝骸委骨龍門側當時相重若鴻鍾今日相  
輕比蟬翼代情兮共此何余哀之能得使我孤猿哀怨  
蝨鶴驚鳴蘿月寡色風泉罷聲嗟昊天之不吊悲后土  
之无情松架森沉芳戶內掩石樓摧折兮桂將傾竊不  
敢當雨露之恩惠長痛恨於此生

悲今日

四悲曰傾蓋如舊白頭如新嘗為談過其實力而非真  
自高枕箕穎長揖交親以蕙蘭為九族以風煙為四鄰  
朝<sup>上</sup>獨坐唯見群峯合沓年<sup>上</sup>孤卧常對古樹論困相  
吊相哭則有饑飢啼夜相慶相賀則有好鳥歌春林鷹  
鷹兮多鹿山蒼蒼兮少人時向南溪汲水或就東巖負  
新百年之中皆為白骨千里之外時見黃塵平生連袂  
宿昔銜杯談風雲於城闕弄花鳥於池臺皆是西園上  
客東觀高才超班匹賈含鄒吐枚一琴一書校竒縱於  
既往一歌一詠垂妙製於將來絃將調而雪舞筆屢走  
而雲迴自謂蘭交永合松契長并通宵振腕終日吁衡  
罵蕭朱為賈豎以張陳為老兵悲蒼黃兮驟變恨消長

之相傾貴而不驕人皆共推晏平仲死且不朽吾每獨  
稱楊巨卿及其蹇產推聯支離括撮七濡首兮將死尚  
搖尾而求活莊西貧而魚穹姬東徂而狼跋今皆慶吊  
都斷存亡永闕憑駟馬而不追寄雙魚而莫達向時之  
清談尚在今日之相知已未則有河濱漂母隴上樵夫  
盤食帶粟粥而兼麩藜羹一盞濁酒一壺夫負妻戴男  
歡女娛攀重巒之岵嶸虛飛澗之崎嶇哀王孫而進饋  
問公子之所須因謂余曰可憐可憐聖人之過久矣君  
子之罪多焉詩書禮樂適足哀人神之用宗族朋友不  
足駐人之頽頽削跡伐樹孔席由來不暖摩頂至足墨  
袞何時有煙一朝至此万事徒然自昔相逢把臂談玄

橫彫龍於翠瓦飛縞鳳於瓊筵各自雲騰羽化公變鸞  
遷鳴香車於闕下曳珠履於君前豈憶荒山之幽絕寧  
知枯骨之可憐傳與千秋萬古寄言白日黃泉雖有群  
書万卷不及囊中一錢

悲人生

五悲曰禮樂既作仁義不憊死生有命富貴在天一變  
一化一虧一全去其外物滯於內篇儒與道方計於  
前其書万卷其孝千年鐘鼓玉帛鑿鑿踴躍金木水火  
混合推遷六合之內慕其風兮如市百代之後隨其流  
兮若川三界九地往返周旋四生六道出沒牽聯碾上  
碾上蝨上嚙上受苦受樂可悲可憐有超然之大聖歷

曠劫以為期戒定惠解非因人慈悲喜捨非見思聞信  
道之高論乃撞鐘而應之曰止止善男子觀向時之華  
說乃夫子之辯士請弄宜僚之丸以合兩家之美若夫  
正君臣定名色威儀俎豆郊廟社稷適足誇耀時俗奔  
競功名使六義相亂四海相爭我者遺其無我生者哀  
其無生孰與乎身肉手足濟生人之塗炭國城府庫恤  
貧者之經營捨其有愛以至於無愛捨其有形以至於  
無形若夫呼吸吐納全身養精反於太素飛騰上清與  
乾坤合其壽與日月齊其明適足增長諸見未能永證  
無生孰與夫離常離斷不始不終恒在三昧常游六通  
不生不住無所處不去不滅無所窮放毫光而普照盡



法界而虛空苦者代其勞苦蒙者導其愚蒙施語行事  
未嘗稱倦根力覺道不以為功所言未畢儒道二客離  
席再拜稽首而稱曰大聖哉丘晚聞道聃今已老徒知  
其一未究其術何異夫戴盆望天倚杖逐日蒼蒼之氣  
未辨昭昭之光已失嗚呼優優群品遑遑衆人雖鑿其  
竅未知其身來從何道去止何津誰為其業誰作其因  
一翻一覆方如掌一生一死兮若輪不有大聖誰起大  
悲請北面而趨伏願終身而教之

盧照鄰詩集終

王勃詩集

字子安絳州人六歲善文辭九歲得顏師古漢書讀  
之作指瑕以摘其失麟德初劉祥道表于朝對策高  
第授朝散郎年未及冠沛王召署府脩撰作鬪雞檄  
文高宗怒斥出府客劍南父福時坐勃故左遷交趾  
令勃往省度海溺水卒年二十九有集傳於世時與  
楊炯盧照鄰駱賓王皆以文章齊名天下號四傑炯  
常曰吾愧在盧前耻居王後

賦

春思賦 并序

咸亨二年余春秋二十有二旅寓巴蜀浮遊歲序殷

憂明時坎壈聖代九隴縣令河東柳大易英達君子  
也僕從遊焉高談曾懷頗洩憤懣於時春也風光依  
然古人云風景未殊舉目有山河之異不其悲乎僕  
不才耿介之士也竊稟宇宙獨用之心受天地不平  
之氣雖弱植一介窮途千里未嘗下情於公侯屈色  
於流俗凜然金石自匹猶不能忘情於春則知春之  
所及遠矣春之所感深矣此僕所以撫窮賤而惜光  
陰懷功名而悲歲月也豈徒幽宮狹路陌上桑間而  
已哉屈平有言極千里傷春心因作春思賦庶幾乎  
以極春之所至折心之去就云爾一作折心  
若夫年臨九域韶光四極解宇宙之嚴氣起亭臯之春

色况風景兮同序復江山之異國感大運之虛盈見長  
河之紆直蜀川風候隔秦川今年節物異常年霜前柳  
葉銜霜翠雪裏梅花犯雪妍霜前雪裏知春早看柳看  
梅覺春好思萬里之佳期憶三秦之遠道淡蕩春色悠  
揚懷抱野何樹而無花水何堤而無州於是僕本浪一作  
恨人平生自淪懷書去洛抱劍辭秦惜良會之道邁厭  
他鄉之苦辛忽逢邊候改遙憶帝鄉春帝鄉迢邐關河  
裏神臯欲暮風煙起黃山半入上林園河灞斜分曲江  
水玉臺金闕紛相望千門萬戶遙相侶昭陽殿裏報春  
歸未央臺上看春暉水精卻桂鴛鴦幔雲母斜開翡翠  
幃競道西園梅色淺爭知此闕柳陰稀斂態調歌扇迴

身正舞衣銀蠶吐絲猶未暖金燕銜泥試學飛妾本幽  
閨學歌舞寧知漢代多巡撫前年齋祭謁甘泉今歲笙  
簫祠后土桃花萬騎喧長簿蘭葉千旗照平浦見原野  
之芳秀憶山河之遠古長安路狹遠長安公子春來不  
厭看杏葉裝金纒蒲萄縷玉鞍聳蓋臨平樂迴笳出上  
蘭上蘭紅鄂杜揮鞭日將暮白馬新臨御溝道青牛近  
出章臺路章臺接建章垂柳復垂楊草開馳馬埽花滿  
閭雞塲南鄰少婦多妖婉此里王孫駐行幃乍怪前春  
節候遲預道今年寒食晚傷紫陌之春度惜青樓之望  
遠紫陌青樓照月華珠帷繡帳七香車蛾眉畫來憑我  
樣蟬鬢梳時鬢欲斜恨雕鞍之屆晚痛銀箭之更餘行

行避葉步步看花因狂夫之蕩子夫之作狂蕩成賤妾之  
倡家狂夫去去一作去無窮已賤妾春眠春未起自有蘭  
閨數千重安知榆塞三十里榆塞連延玉關側雲間沉  
沉不可識葱山隱隱一作隱今河北霧裏蒼蒼幾重絕忽  
有驛騎出幽并傳道春衣萬里程龍沙春草迤朝海春  
雪生疎勒井泉寒尚竭燕山烽火夜應明聞道河源路  
遠遠誰知夫婿苦行行君子塞外多霜露為想春臺起  
煙霧遊絲空骨合歡枝落花自遶相思樹春望年年絕  
幽閨離緒切春色朝朝麗邊廷羽書至都護新封萬里  
侯將軍稍定三邊地長旆猶銜掃雲色寶刀尚擁千星  
氣昨夜祁連驛使還狂夫猶往鴈門關君度山川成白

首應知歲序。歎紅顏紅顏。一別成胡越。夫婿連延限城。  
闕。羌笛橫吹。隴路風戎衣。直照關山月。春色徒盈望。春  
悲殊未歇。復聞天子幸關東。馳道煙塵萬里紅。折羽搖  
初日。繁笳思曉風。後騎猶分長樂館。前旌已映洛陽宮。  
洛陽宮城紛合沓。珠翠中閨盛綺羅。鳳移金谷舞鶯引。  
石城歌向夕。天津洛橋暮。爭驅紫燕黃牛度。閒居伊水  
園。舊宅邛山路。武子新布金錢埒。季倫欲儻珊瑚樹。復  
道西壩春霧寡。更值南津春望寫。入金市而乘羊。出銅  
街而試馬。一作草而爭浣花牽風而亂下。錦障紫  
山。羅幃照野。司空令尹之博物。二陸三張之文雅。新年  
栢葉之樽上。已蘭英之葦。春來併是春。何啻兩違秦。忽

逢江外客。復憶江南春。羅衣乘北渚。錦袖出東鄰。江邊  
小婦無形迹。特怨狂夫事行役。鳳凰山上花無數。鸚鵡  
洲中草如積。春江淡容與。春期無處所。春水春魚樂。春  
汀春鴈舉。君道玉門關。何如金陵渚。為問逐春人。年光  
幾處新。何年春不至。何地不宜春。亦有當春逢遠客。亦  
有當春別故人。風物雖同候。悲歡各異倫。歸去來。春山  
恣閒放。蕙晚蘭皋行可望。何為悠悠坐惆悵。比來作客  
住臨邛。春風春日自相逢。石鏡巖前花屢客。玉輪江上  
葉頻濃。高平灞岸三千里。少道梁山一萬重。自有春花  
煎別思。無勞春鏡一作照愁容。盛年耿耿辭鄉國。長路  
遙遙不可極。形隨胡月驟東西。思逐浮雲幾南北。春蝶

參差命儔侶春鶯綿蠻思羽翼余復何爲此方春長歎  
息會當一舉絕風塵翠蓋珠軒臨上春朝昇玉署調天  
紀夕憇金閨奉帝綸長卿未達終希達曲逆長窮豈剩  
貧年年送春應未盡一日逢春自有人歲宜

七夕賦

若夫乾靈鵠識之端地輔龍駮之始憑紫都而受曆按  
玄丘而命紀毛鳳鍾桂閭之祥麟角燦椒庭之祉馳綠  
軒於九域振黃麾於萬里抗芝館而星羅擢蘭宮而霞  
起則有皇慈霧洽聖渥天浮庭分玉禁邸瞰金樓翦鳧  
洲於細柳披鶴籥於長楸啓魚鈴而分帝授虹壁而  
控神州擁黃山於石磴洩玄灑於銅溝列瑤窓而送燠

闢銀榜而迎秋君王乃排青規徯朱寫戒鵠輿靜鷺掖  
繞震躡而轉步僊阡而從跡肅陳客於金淋命淮仙於  
桂席翔翠於雲甸迎吹簫於鳳驛佇靈匹於星期眷  
神姿於月夕于時玉繩湛色金漢餘光煙淒碧樹露結  
銀塘視蓮潭之變彩見松院之生涼引礪蟬於室瑟宿  
籟燕於瑤筐綠壺兮千仞翹樓兮百常拂花筵而慘惻  
拔葉絲序而伴狂結遙情於漢陌飛水睇於霞莊想佳人  
兮如在怨靈歡兮木揚促遙悲於四運味遺歌於七襄  
於是虬簷晚靜魚扃夜飾忘弟子之光華下君王之  
色握犀管展牋頽執事招仰宣仲宣晚而稱曰臣聞  
九變無律三靈有作布元氣於浩蕩運太虛於寥廓辨

河鼓於西契降天孫於東墀循五緯而清黃道正三衡  
而澄紫落海人支石之機江文穿針之閣鄙塵情於春  
念擬仙契於秋謠河光清地紀山氣歛天標霜疑碧宙  
水瑩丹霄耀麟軒於霧術塞羽旆於星橋微赤螭而架  
渚漾青翰而乘潮停翠梭兮卷霜毅引鴛杼兮割水綃  
奉黃花而乘月艷卷黛葉而卷雲翹撫今情之恨促指  
來渚而傷遙既而丹軒鵲拱紫房矧籥仙御透蓬靈徒  
擾弱風驚雨驟煙迴電爍媧皇區野之龍莊叟命雕  
陵之鵠駐麟駕披馮幕奏雲和汎霞酌碧虬玉室之饌  
白兔銀臺之藥荷葉頰鮫芙蓉孔雀上元錦書傳寶字  
王母瓊箱薦金約綵攀魚頭比目縱香緘燕尾同心縛

羅帳五花懸珉砌百枝然下芸疇而曠枕弛蘭服而交  
筵託新歡而密勿懷往春而潺湲於是羈馮切鏡放鶴  
驚絃悲侵玉履念起金鈿儼歸裝而容曳整還蓋而遷  
延洞庭波兮秋水急關山晦兮夕露連謂河漢之無浪  
侶參商之永年君王乃背彤砌陟玄室冲想自閭神情  
如逸痛靈妃之稀偶喜沉思之可卑荆豔齊并燕佳並  
出金声玉韻蕙心蘭質珠梳綺檻北風臺繡戶雕窓南  
向開響曳紅雲歌面近香隨白雪舞腰來掩清琴而獨  
進凌絳樹而輕迴盧女黃金之椀張綜碧玉之杯奉君  
王一作且於終夕夫何怨於良媒俄而月還西漢霞臨  
東沼鳧氏鳴秋維人唱曉玉關控鶴瓊林飛鳥君王乃

馭風殿而長懷俯雲臺而自矯矜雅範而霜高穆冲衿  
而霞眇迎卜客召三英香涵蔗耐吹簫蘭旌娃館疎芳  
綠草積歡房寂兮紫苔生從詞源於月徑坡翰藪於雲  
肩方絕元凱而高視 与梁楚而駢聲

九成宮東臺山池賦

并序

九成宮東臺地接間曠面山臨水尔其松峯桂壑紅  
泉碧磴金石千聲雲霞萬色侍郎張公雅思沉鬱永  
懷梓匠式侔仙造聿構靈壘波流成止水之源拳石  
儼于肖之狀雖流波覆甃俯籍人拱而布葉攢花眇  
同天會僕因暇日濫奉清歡敢抽南畝之材聊叙東  
山之事云尔

君夫金臺妙境玉署仙居酌丹池之曉暇候清禁之宵  
餘驟冲情於月道飛駿賞於煙墟惜山楹而思逸懷水  
鏡而神虛既而仰瞻赤矯傍窺黛壑復嶂煙迴攢溪霧  
錯偉所用之燕濟想神宮之可作規疊嘍于盤龍憲飛  
泉於桂鶴覆簷而縈巖磴浮芥而環川岬採拳石於溪  
濱舉織珠於綺薄萍 楚江之帶花轉崑墟之萼岫蘊  
玉而虹驚浦涵珠而星落美仁智之同歸信高深之縱  
託爾其扈岑滿景幽渚留寒高松偃鶴修竹鳴鸞被蘭  
丘而結珮照蓮服而披冠激坳堂於別淑引膚寸於危  
巒若乃嶺橫雞秀波連鳳液花鳥繁紅蘋魚樣碧綠衣  
玄衽頰鱗翠額在林藪而同懽望江湖而齊適及夫景

沉西嶠月下東濱峯深夜久潭靜秋新荷抽水蓋薛引  
山茵雪芝獻液霧菊傾津嗣南商之逸興有東海之遐  
賓保林泉而肆賞混簪紱而同塵何濯纓之有地如拔  
桂之無因

寒梧栖鳳賦

以孤清夜  
日為韻

鳳兮鳳兮來何所圖出應明主言栖高梧梧則暉陽之  
珍木鳳則丹穴之靈雛理符有契誰言則孤游必有方  
駭南飛之驚鶻音能中呂嗟入夜之啼鳥况其靈蕭  
散節物淒清疎葉半殞高歌和鳴鳥也將託其宿止人  
也焉知乎此情月照孤影風傳暮聲將振耀其五色俟  
簫韶之九成九成則那率舞而下懷彼衆會罔之淳化

雖壁沼可飲更能適於醴泉雖瓊林可棲復意巡於竹  
樹念是徃敢忘晝夜荷安能遷而則思其不暇  
故當披拂寒梧翻然一發自此西序言投北闕若用之  
御詔冀宣命於軒堦若使之游池庶承恩於歲月可謂  
擇木而俟處卜居而后歇豈徒北跡於四靈常栖栖而  
沒沒

曲江孤鳥賦

并序

梓州之東南涪江之所合有潭焉周數十步青壁絕  
地綠波清天常有孤鳥棲蕩其側飛沉翻啞而天性  
不違嗟乎宇宙之客我多矣造化之資我厚矣何必  
處華池之內而求稻粱之思哉遂作賦曰



靈鳳翔兮千仞大鵬飛兮六月雖憑力而易舉終候時  
而難發不如深潭之鳥焉順歸湖而出沒迹已存於江  
漢心非繫於城闕吮紅藻翻碧蓮制雲霧插雲煙迫之  
則隱馴之則前去就無失浮沉自然爾乃忘機絕慮懷  
聲美影乘駭浪而神驚漾澄瀾而趣靜馳園維之志促  
悲塞鴻之赴永知動息而多方屢空洳而自省故其獨  
泛單宿全真遠致反覆幽溪淹留勝地傷雲鴈之嬰繳  
懼泉魚之受餌甘辭稻梁之惠焉而全飲啄之志也

馴鷺賦

海上兮雲中青城兮絳宮金山之斷鶴玉塞之驚鴻謂  
江湖之漲不足甜宇宙之路不足窮終御石坐傷金

羞聲酸夕露影怨秋風已矣哉何氣高而望闊卒神瘁  
而智瘳徒驚迹於仙遊竟纏機於俗網求若茲禽猶融  
泛想慙丹丘之麗質謝青田之逸響與道浮沉因時俯  
仰去飛內懼馴飛外獎夫翮勁揮風雄姿觸霧力制煙  
道神周天步鬱霄漢之弘圖受園庭之近顧質雖滯於  
城闕策已成於雲路陳平負城之居韓信昌平之寓侶  
達人之用晦混塵濛而自託類君子之含道處蓬蒿而  
不忤悲授餌之徒懸痛開絃之自落故爾放懷於誕暢  
此寄心放爽廓

遊廟山賦 并序

玄武山西有廟山東有道君廟蓋幽人之別府也長

夢巨樹翳雲日王子馭風而遊冷然而喜益懷霄漢  
之舉而忘城闕之戀矣因欲攀洪崖於煙道邀羨門  
於天路仙師不在壯志徒爾俄而泉石移景秋陰方  
積松栢群吟悲聲四起背鄉關者無復四時之策焉  
嗚呼有其志無其時則知林泉有窮路之嗟煙霞多  
後時之難不其悲乎遂作賦曰

陔彼山阿積石峩峩亭臯千里傷如之何啓松崖之密  
蔭攀桂岳之崇阿隔浮埃於地綌彼顛氣於天羅爾其  
綠巖分徑蒼岑對室菌軒丹紉芝場翠密俯泉石之清  
冷臨風颺之瑟瑟仰紉臺而攜手望玄都而勝於是  
躡霞岡於玉砌步雲岳於金壇顧妙童與真女想青螭

及碧鸞情恍恍而將逸心迴迴而未安見丹房之晚晦  
知紫洞之宵寒既而霧昏千嶂煙浮四野恨流俗之情  
多痛飛仙之術寡驅逸思於方外踞高情於天下使蓬  
瀛可得而宅焉何必懷於此都也乱曰已矣哉吾誰欺  
林壑逢地煙霞失時託宇宙兮无日俟鸞虬兮末期他  
卿山水谷祗今人悲

澗底寒松賦 并序

歲八月壬子旅遊於蜀尋茅溪之澗深蹊絕磴人跡  
罕到爰有松焉冒霜停雪蒼然百丈雖高柯峻頽不  
能喻其岸嗚呼斯松託非其所出類之器何以別乎  
盖物有殊類而合情士因感而成興遂作賦曰

惟松之植于澗之幽盤柯跨嶮脊祇憑流寓天地兮何  
日沾雨露兮幾秋見時華之屢變知俗態之多浮故其  
磊落殊狀森梢峻節紫葉吟風蒼條振雪嗟美鑿之稀  
遇保真容之未缺扳翠嶠而形疲指丹霄而望絕已矣  
哉蓋用輕則資衆器宏則施寡信棟梁之已成非椽桷  
之相假徒志遠而心屈遂才高而位下斯在物而有焉  
余何為而悲者

慈竹賦 并序

廣濶山谷有竹名慈生必向內示不離本脩莖巨葉  
攢根沓枳叢之大者或至百千林焉而縈結踰乎咫  
步好事君子徒為階庭之翫焉吁嗟非此士所有乃

有厭流俗之譏動鄉閭之思者蓋撫高節而興歎覽  
嘉名而思歸遂為賦曰

有竹猗猗生于高陂左連瑤帶右雜瓊枝恨幽客之方  
賞嗟君侯之不知徒蔚丹谷迂容綠池氣凜凜而猶在  
色蒼蒼而未離屈岩壑之容貌充階庭之羽儀爾其畫  
疆疆分域駢陰抗趾疊榦龍迴攢根鳳峙防碧露於霄未  
翳紅光於習始崇柯振而雲靄生繁葉動而風飈起擁  
涼砌之晨蕭屏炎荷之晝滓至若白藏載謝玄英肇切  
塞北河堅閩南地裂觀衆茂之咸悴驗貞輝之獨潔抽  
勁綠以垂霜總嚴青而負雪蓋同類之常稟非殊方之  
異節若乃宗生族茂天長地久萬抵爭盤千株競糾如

母子之鈎帶似閔門之悌友恐孤秀而成危每辟居而  
自守付美名之天屬而和氣之資受嗟乎道之存矣物  
亦自有不背仁以貪地不藏節以遁時故其真不自眩  
用不見疑保夷險之無易晒榮枯之有期我逢轉於岷  
微遂萍流於江汜分兄弟於兩鄉隔晨昏於萬里撫真  
容而骨愧伏嘉號而心死庶因感而長懷將策情而勵已

青苔賦并序

吾之旅游數月矣憇乎澗觀青苔焉緣崖而上乃  
喟然歎曰嗟乎苔之生於林塘也為幽客之賞苔之  
生於軒庭也為居人之怨斯擇地而處無累於物也  
爰憎從而生遂作賦曰

若夫桂洲倉澗松崖祕液繞江曲之寒沙抱岩幽之古  
石沈迴塘而積翠縈脩樹而凝碧契山客之奇情諧野  
人之妙適及其瑤房有寂瓊室無光菲微君子之砌蔓  
延君侯之堂引浮青而泛露散輕綠而承霜起金鈿之  
舊感驚玉箸之新行若夫弱質綿幕纖滋布護措形不  
用之境託跡無人之路望夷險而齊歸在高深而委遇  
惟愛憎之未染何悲歡之詭赴宜其背陽就陰違宣處  
靜不根不蒂無華無影耻桃李之暫芳笑蘭桂之不永  
故順時而不競每乘幽而自整

採蓮賦并序

昔之賦芙蓉者多矣雖復曹王潘陸之逸岷孫鮑江

蕭之妙韻莫不摧陳麗美羸卒採掇豈所謂究厥麗  
態窮其風謠哉頃乘暇景歷觀衆製伏翫累日有不  
滿焉遂作賦曰

非登高可以賦者唯採蓮而已矣况洞庭兮紫波復蕭  
湘兮綠水或暑雨兮朝零乍涼風兮暮起黛巖青岫煙  
周五湖紅葩絳藕電鑠千里光見重於幽客信作謠於  
君子爾其珍族廣茂叔類傳傳一作傳藻河渭之空曲被  
沮漳之淪連一作荷連燭澄灣而爛爛一作脩漲之田田豈直  
水區澤國江滙海壘是以吳姬春妍感靈翹於上節悅  
瑞色於中年錦帆暎浦羅衣塞川飛木蘭之畫揖駕美  
蓉之綺船問予何去幽潭採蓮矣哉誠不知其所以然

賞由物召興以情遷故其遊冰一致悲欣萬緒至若金

室麗妃璇宮佚女傷鳳臺之寂寞厭鸞駕之間處侍飲

南津一作洲陪歡此渚見磯岸之紆直觀旌一作旌之低舉上

苑神池芳林御陂樓陰架沚敷彩乘漪張并洛之容衛

備橫汾之羽儀蕭鼓發兮龍文動鱗羽喧兮鷁首移咸

靚粧而麗服各分驚而並馳蘋藻漿碍荇觸船危視雲

霞之沃蕩望林泉之蔽虧川泱泱兮齒苗積水湛湛兮

芙蓉披惜歲時兮易暮傷君王兮未之折紕房與細蒨

攬紅葩及碧枝迴綃裙兮竊獨歎步羅韞兮私自竒莫

不驚香悼色畏別傷離復有渚宮年少期門公子翠髮

蛾眉顏脣皓齒傳粉蘭臺之上偷香椒房之裏亦復銜

恩激誓佩寵絨愁承好賜之珍席奉嬉游宴之彩旂繡棟

曠兮翠羽帳瑤塘曙兮青翰舟攀條拾葢沒波沂流池

心寬而藻薄浦口窄而萍稠和撓姬之衛吹接榜女之

齊謳去復去兮水色夕採復採兮荷葉秋願承歡而卒

歲長奉席而寡仇於時薊此無事閑西始樂霧靜江垠

氛恬海漠寢恠氣於沅湘照榮光於河洛殊方異類舞

詠相錯王公卿士歌吹並作則有侯家瑣第戚里方園

穿池瀾岸之曲蓄水河陽之源隄防谷口鳥嶼輟轅嘉

本卑植靈章具繁沉桂北之丹藕擢荆南之紫根鬱萋

萋而霧令繁曄曄而霞翻洎乎氣徹都鄙景萃川陸麥

雨微涼梅風淺燠命妖侶於石城嘯娛朋於金谷乃使

綠珠捧棹青琴理舳舻芳醪籍珍餼汎玉潭之瀾漫逸

金渠之隈隩石近水而苔濃岸連山而樹復排芟未而

爭遠託蘆間而競逐赴汨凌波飛桂根蘿風低綠絲水

濺黃螺上客喧兮樂未已美人醉兮顏將酡畏蓮色之

如臉頰衣香而勝荷徘徊郢調悽愴燕歌念窈歡於水

涖誓畢賞於川阿結漢女邀湘娥北溪藥尚密南汀花

更多恨光景兮不住諧芳馨兮謂何若乃南楚義妻東

吳信婦結襦整珮承筐奉箒忽君子兮有行復良人兮

遠征前討九真百越北戍雞田鴈城念去覓駭相視骨

驚道春渚兮一送見秋潭之四平與之子別煙波望絕

念子之寒江山路難水淡兮今蓮葉紫風颭兮今荷花

丹翦瑤帶而猶恨折瓊英而不歡既而綠隈逗浦返棹  
歸櫂卷芳草兮已殘憶離居兮方苦延素頸於極漲攘  
皓腕於袖許情佳期兮未由徒憎思兮何補又苦倡姬  
蕩媵命侶招群淇上洛表湘臯汝濱望洲草兮翡翠色  
動浦水兮驪龍文願解珮以邀子思褰裳而從君悲時  
暮愁日曛鳴環釧兮響窈窕珠翠兮光續紛憐曙野  
之絳氣愛晴天之碧雲掉巡汀而柳拂船向渚而菱分  
撥翠莖以翳景籠朱萼以為裙挺揖凌亂雲流雨散鳴  
榔絡繹霧罷煙釋狀飛虬之蜿々若驚鴻之奕艇快奔  
潮篙憎淺石絲着手而偏繞刺牽衣而屢礙乃有貴子  
王孫乘間縱觀何平叔之符彩潘安仁之藻翰稅龍馬

於金堤命鳥舟於石岸錦纜翻蕭銀櫓照爛日側光深  
浪驚風沉盼北渚之新贈恣東溪之密尋鴛鴦繡彩之  
文覆玳瑁瓊華之寶琴扣舷擊榜吳歎越吟漆與消兮  
葉覆水淮與濟兮花冒潯值明月之夕出逢丹霞之夜  
臨茱萸歌兮軫妾思兮藥曲兮傷人心伊採蓮之賤事  
信亡情之益寡雖迹兆於水鄉遂風行於天下感極哀  
樂聲參鄭雅是以細察谷底窮覽地維此盡蠶豆鑄滂滴  
南究江沱越沂莫不候期應節洽濤汎湄薄三採之興  
言服之發文扃之嚴什動幽恍之情詩使人結春令人  
想思宜其色震百草香奪九芝栖碧羽之神雀負青  
之寶龜紫秩流記冊經秘詞豈徒加繡柱之光彩曄文

井之華滋已矣哉向使時無其族代乏厥類獨秀上清之境不生中國之地學鸞鳳而時來與鷦鷯而間至必能使衆瑞彩沒群旣色沮湯武齋伊臯延佇豈俾夫秦童瑣僕倡姬豔女狎而翫之頷而採之于時有東鄙幽人西園舊客常陪帝子之輿經在天人之籍詠錄竹於風曉賦朱華於月夕暑往寒來忽矣悠哉蓬飄梗逝天涯海際以還印之寥廓同適越之滯滯蕭索窮途飄飄一隅昔聞七澤今遇五湖聽菱歌兮幾曲視蓮芳兮幾株非鄴地之宴語異睢花之歡娛沉復殊芳別域重瀛復嶂虞翻則故鄉寥落許靖則生涯惆悵感芳艸之及時懼脩名之或喪誓將刻跡頰上攝影涓陽枕与岫

之孤石汎潘溪之小塘餐素食兮吸絳芳荷爲衣兮艾爲裳永縈已於丘壑長寄心於君王且爲歌曰芳華懼功名奇秀兮異相紅光兮碧色稟天地之淑麗承雨露之華飾蓮有藕兮藕有枝才有用兮用有時何當婀娜花寶移爲君含香藻鳳池

四言古詩

倬彼我系

勃亢勵岸

倬彼我累舍弟號川參軍勃所作也傷迫乎家貧道未成而受祿不得如古之君子四十強而仕也故本其情性原其事業因陳先人之迹以議出處致天爵之艱難也



俾彼我系出自有周分疆錫社泂別枝流居衛仕宋匡  
羸相劉乃武乃文或公或侯晉曆崩圻衣冠擾弊粵自  
太原播祖江滋禮喪賢隱時屯道閉三室如毀生人多  
殪伊我有器思逢其主自東旋西擇木開宇田彼河曲  
家乎汾浦天未厭亂吾將誰輔伊我祖德思濟九埏不  
常厥所于茲五遷欲及時也天豈願焉其位雖屈其言  
則傳爰述帝制大蒐王道曰天曰人是祖是考禮樂咸  
若詩書且草貽厥孫謀求為家寶伊余小子信慙明哲  
彼網有條彼車有轍思屏人事克終前烈于嗟代網卒  
余來緹來緹伊何謂余白仕我擔先達三十方起夫豈  
不懷高山仰止頌言毓德啜菽飲水有鳥反哺其馨藜

數言念舊德憂心忉忉今我不養歲月其咄慙俛從役  
豈敢告勞從役伊何薄求卑位告勞伊何來參卿事名  
存實爽負信愆義靜言遐思中心是愧

五言古詩

上巳浮江宴韻得卮字

披觀玉京路駐賞金臺卮逸興懷九仙良辰傾四美松  
吟白雲際桂馥清溪裡別有江海心日暮情何已

春日宴樂游園賦韻得接字

帝里寒光盡神臯春望浹梅郊落晚英柳甸蘄初葉流  
水抽奇弄崩雲瀟芳牒清樽湛不空暫喜平生接

山亭夜宴

桂宇幽襟積山亭涼夜永森沉野徑寒蕭穆巖扉靜竹  
晦南河色荷翻此潭影清興殊朱歸林端照初景

詠風

蕭蕭涼景生加我林壑清驅煙尋磗戶卷霧出山楹去  
來固無跡動息如有情日落山水靜爲君起松聲

懷仙并序

客有自幽山來者起予以林壑之事而煙霞在焉思  
解纓紱永詠山水神與道超跡爲形滯故書其事焉  
鶴岑有竒徑鱗洲富仙家紫泉漱珠液玄巖列丹葩當  
希披塵網眇然登雲車鸞情極霄漢鳳想波煙霞道存  
蓬瀛近意愜朝市賒無爲坐澗悵虛此江上華

忽夢遊仙

僕本江上客牽跡在方內寢寤霄漢間居然有靈對翕  
爾登霞首依然躡雲背電策驅龍光煙迹儼鸞熊乘月  
披金帔連星解瓊珮浮識俄易歸真魂莫難再寥廓沉  
遐想周遑奉遺誨流俗非我鄉何當釋塵昧

田家三首

阮籍生年一作酒懶嵇康意氣疎相逢一飽醉獨坐數行

書生地聊養鶴閒田且牧猪草生元亮徑花暗子雲居

倚牀看婦織登龍課兒鋤迴頭尋仙子併是一空虛

家住箕山下門枕潁川濱不知今有漢唯言昔避秦琴

伴庭前月酒勸後園春自得中林士何忝上皇人

平生唯以樂作性不能無朝朝訪鄉里夜夜遣人酷家  
貧留客久不暇道精麤抽簾特益炬技篋更燃鑪怕聞  
飲不足何見有殘壺

六言古詩

雜曲

智瓊神女來訪文君蛾眉始約羅袖初熏歌齊曲韻舞  
亂行分若向陽臺薦枕何啻得勝朝雲

七言古詩

秋夜長

秋夜長殊未央月明白露澄清光層城綺閣遙相望川  
無梁此風受節南鴈翔崇蘭委質時菊芳鳴環曳履出

長廊為君秋夜擣衣裳織羅對鳳凰丹綺雙鴛鴦調砧  
亂杵思自傷征夫萬里戍他鄉鶴關音信斷龍門道路  
長君在天一方寒衣徒自香

採蓮曲

一作採蓮歸

採蓮歸綠水芙蓉秋衣風起浪鳧鴈飛桂棹蘭橈下長  
浦羅裙玉腕輕搖櫓葉嶼花潭極望平江謳越吹相思  
苦相思苦佳期不可駐塞外征夫猶未還江南採蓮今  
已暮採蓮花渠今那必盡娼家官道城南把桑葉何如  
江上採蓮花蓮花復蓮花花葉何稠疊葉翠本羞眉花  
紅強如頰佳人不在茲悵望別離時牽花憐共蒂折藕  
愛連絲故情無處所新物徒華滋不惜而津交佩解還

羞北海鴈書遲採蓮歌有節採蓮夜未歇正逢浩蕩江  
上風又值徘徊江上月徘徊蓮浦夜相逢吳姬越女何  
丰茸共問寒江千里外征客關山路幾重

臨高臺

臨高臺臨高臺迢迢絕浮埃瑶軒綺構何崔嵬鸞歌鳳  
吹清且哀俯瞰長安道萋萋御溝草斜對甘泉路蒼蒼  
茂陵樹高臺四望同佳氣鬱葱葱紫閣丹樓紛照耀璧  
房錦殿相玲瓏東迷長樂觀西指未央宮赤城映朝日  
綠樹搖春風旗亭百隊開新市甲第千甍分戚里朱輪  
翠蓋不勝春疊榭層楹相對起復有青樓大道中繡戶  
文窓雕綺櫺錦衣畫不襲羅帷夕未空歌屏朝榭翠粧

鏡曉窺紅爲君安寶髻蛾眉罷花叢狹路塵間黯將暮  
雲間月色明如素鴛鴦池上兩兩飛鳳凰樓下雙雙度  
物色正如此佳期那不顧銀鞍繡轂盛繁華可憐今夜  
宿娼家娼家少婦不須顰東園桃李片時春君看舊日  
高臺處栢梁銅雀生黃塵

滕王閣

滕王高閣臨江渚珮玉鳴鑾罷歌舞畫棟朝飛南浦雲  
朱簾暮捲西山雨兩間雲潭影日悠悠物換星移度幾秋  
閣中帝子今何在檻外長江空自流

江南弄

江南弄巫山連楚夢行雲幾相送瑶軒金谷上春時玉

童仙女無見期紫露香煙眇難託清風明月遙相思  
思草徒綠為聽雙飛鳳凰曲

五言律

聖泉宴

披襟乘石磴列籀俯春泉蘭氣薰山酌松聲韻野絃影  
飄垂葉外香度落花前興洽林塘晚重巖起夕煙

尋道觀

枝壓光分野蓬闕盛規模碧壇清桂闕丹洞蕭松樞玉  
笈三山記金箱五嶽圖蒼虬不可得空望雲白衢

散關晨度

關山凌旦開石路無塵埃白馬高譚去青牛真氣來重

門臨巨壑運棟起崇隈即今揚策度非是棄繻回

別薛華

送送多窮路遑遑獨問津悲涼千里道悽斷百年身心  
事同漂泊生涯共苦辛無論去與住俱是夢中人

重別薛華

明月沉珠浦秋風濯錦川樓臺臨絕岸洲渚亘長天旅  
泊成千至棲遲共百年窮途唯有泪還望獨潸然

遊梵宇三學寺

杏閣披青磴瑤臺控紫岑葉齊山路狹花積野壇深蘿  
幌栖禪影松門聽梵音遽煩陰妙躅延賞滌煩襟

麻平晚行

百年懷土望千里倦遊情高低尋成道遠近聽泉聲  
磧葉纔分色山花不辨名羈心何處盡風急暮依患

送盧主簿

窮途非所恨虛室自相依城闕君年滿琴樽俗事稀  
襟方未已分袂忽多違東巖富松竹歲暮幸同歸

餞韋兵曹

征驂臨野吹別袂修江垂川霽浮煙歛山明落照移  
鷹風凋晚葉蟬露泣秋枝亭臯分遠望延想間雲涯

白下驛餞唐少府

下驛窮交月昌亭旅食年相知何用早懷抱即依然  
浦樓低晚照鄉路隔風煙去去如何道長安在日邊

杜少府之任蜀州

城闕輔三秦風煙望五津與君離別意同是宦遊人  
海內存知己天涯若地鄰無為在岐路兒女共霑巾

仲春郊外

東園垂柳徑西堰落花津物色連三月風光絕四鄰  
鳥飛村覺曙魚戲水知春初晴山院裡何處染苔塵

郊興

空園歌獨酌春日賦閒居澤蘭侵小徑河柳覆長渠  
雨去花光濕風歸葉影疎山人不惜醉唯畏綵尊虛

郊園即事

煙霞春早賞松竹故年心斷山疑畫障縣溜瀉鳴琴  
州

徧南亭合花開此院深間居饒酒賦隨興欲抽簪

觀佛跡寺

蓮座神容儼於崖聖跡餘年長金跡淺地久石芝踈頽  
華臨曲磴傾影赴前除共差陵谷遠俄祝化城虛

山居晚眺贈王道士

金壇踈俗宇玉洞侶仙群花枝栖曉露峯葉度晴雲斜  
照移山影迴沙擁籀文琴尊方待興竹樹已迎暉

八仙逕

柰園欣八正松巖訪九仙援蘿窺霧縠攀桂俯雲煙代  
北鸞駘至遼西鶴騎旋終齊脫塵網連翼下芝田

春日還郊

閒情蕪黑黑鶻妓赴巖泉柳絲紫新帶榆青綴古錢魚  
牀侵岸水鳥路入山煙還題平子賦花樹滿春田

對酒

投簪下山閣攜酒對河梁狹水牽長鏡高花送柳香繁  
鸚歌佾曲踈蝶舞成行自然催一醉非旦閱年光

觀內懷仙

玉架殘書隱金壇舊迹迷牽花尋紫澗步葉下青溪瓊  
槩猶類乳石髓尚如泥自能成羽翼何必仰雲梯

秋日別王長史

別路千餘里深恩重百年正悲西候日更動北梁篇野  
色籠寒霧山光斂暮煙終知難再奉懷德自潯然

有所思

賤妾留南楚，征夫向北燕。三秋方一日，少別比千年。不  
掩頰紅頰，無論數絲錢。相思明月夜，迢遞白雲天。

上巳浮江宴韻得造字

上巳年光促，中川興緒遙。綠齊山葉滿，紅洩片花銷。象  
聲喧後澗，虹影照前橋。遽悲春望遠，江路積波潮。

長柳

晨征犯煙磴，夕憇在雲闌。晚風清近壑，新月照澄灣。郊  
童樵唱返，津叟釣歌還。客行無與晤，賴此釋愁顏。

銅雀妓二首

金鳳鄰銅雀，漳河望鄴城。君王無處所，臺榭苦平生。舞

席紛可就，歌梁儼未傾。西陵松檟冷，誰見綺羅情。  
妾本深宮妓，層城間九重。君王歡愛盡，歌舞為誰容。錦  
衾不復襞，羅衣誰再縫。高臺西北望，流涕向青松。

羈遊餞別

客心懸隴路，遊子倦江干。種豐朝砌靜，蓀密夜窓寒。琴  
聲銷別恨，風景駐離歡。寧竟山川遠，悠悠旅思難。

易陽早發

飭裝侵曉月，奔策候殘星。危閣尋丹嶂，回梁屬翠屏。雲  
間迷樹影，霧裡失峯形。復此涼颼至，空山飛夜螢。

焦岸早行和陸四

侵星違旅館，乘月戒征傳。複嶂迷晴色，虛巖辨暗流。猿



吟山漏曉螢散野風秋故人渺河際鄉關雲霧浮

深灣夜宿

津塗監巨壑村宇架危岑。堰絕灘聲隱。峯交樹影深。江  
童暮望揖山女。夜調砧。此時故鄉遠。寧知游子心。

傷裴錄事喪子

蘭堦霜候早。松露寒臺深。魄散珠胎沒。芳銷玉樹沉。露  
文晞宿草。煙照慘平林。芝焚空歎息。流恨滿籬金。

五言排律

泥溪

弭棹凌奔壑。低鞭躡峻岐。江濤出岸險。峯磴入雲危。溜  
急船文亂。巖斜騎影移。水煙籠翠渚。山照落丹崖。風生

蘋浦葉。露泣竹潭枝。泛水雖去羨。芴歌誰復知。

三月曲水宴得烟字

彭澤官初去。河陽賦始傳。田園歸舊國。詩酒間長筵。列  
室窺丹洞。分樓瞰紫烟。紫迴亘津渡。出沒控郊廛。鳳琴  
調上客。龍轡倍群仙。松石偏宜古。藤蘿不記年。重簷交  
密樹。複磴擁危泉。抗石晞南嶺。乘沙眇此川。傳嵒來築  
處。磻溪入釣前。日斜真迺遠。幽楚思涼蟬。

秋日仙遊觀贈道士

石圖分帝宇。銀牒洞靈官。迴丹紫岫室。復翠上巖攏。霧  
濃金竈靜。雲暗玉壇空。野花常捧露。山葉自吟風。林泉  
明月在。詩酒故人同。待余逢石髓。從爾命飛鴻。

五言絕句

曉留鳳州

寶雞辭舊後仙鳳歷遺墟去此近城闕青山明月初

羈春

客心千里倦春事一朝歸還傷北園裏重見落花飛

林塘懷友

芳屏畫春妙仙杼織朝霞何如山水對即飛花

山扉夜坐

抱琴開野室藹酒對情人林塘花月下別侶一家春

春莊

山春前葉徑城外堯李園豈知人事靜不覺馬聲喧

春遊

客念紛無極春泪倍成行今朝花樹下不覺戀年光

春園

山泉兩處晚花柳一園春還待千日醉共作百年人

林泉獨飲

丘壑經塗賞花柳遇時春相逢今不醉物色自輕人

登城春望

物外山川近晴初景霽新芳郊花柳遍何處不宜春

他鄉叙興

綴葉帶煙晚尋花落照春邊城琴酒處俱是越鄉人

夜興

野煙含夕渚山月照秋林還將中散興來偶兵步琴

臨江二首

泛泛東流水飛飛北上塵歸驂將別棹俱是倦遊人  
去驂嘶別路歸棹隱寒洲江皋木葉下應想故城秋

江亭夜月送別二首

江送巴南水山橫塞北雲津亭秋月夜誰見泣離群  
亂煙籠碧砌飛月向南端寂寂離亭掩江山此夜寒

別人四首

久客逢餘問他鄉別故人自然堪下泪誰中望征塵  
江上風煙積山幽雲霧多送君南浦外還望將如何  
桂條雖不駐蘭廷幸未開林塘風月賞應待故人來

九日

九日重陽節開門有菊花不知來送酒若箇是陶家

七言絕句

秋江送別二首

早是他鄉值早秋江亭明月帶江流已覺逝川傷別念  
復看津樹隱離舟

歸舟歸騎儼成行江南江北互相望誰謂波瀾裁一水  
已覺山川是兩鄉

蜀中九日

九月九日望鄉臺他席他鄉送客杯人情已厭南中苦  
鴻鴈那從此地來

寒夜懷友雜體二首

北山煙霧始茫茫南津霜月正蒼蒼秋深客思紛無已

復值征鴻中夜起

復閣重樓向浦開秋風明月渡江來故人故情懷故宴

相望相思不相見

王勃詩集終

百

合

落

樓

遠

遠

遠

遠

